

OMUKUETU

No: 12

ESIKU 15 lja JUNI

1938

X·X·X·X·X·X·X·X ■ XX·X·X·X·X·X·X ■ X·X·X·X·X·X ■ X·X·X·X·X·X ■



Oonkondo zuukriste.

Esiku ljokusa kua Jesus aalongua je, ngašika okangundu okašona kaakriste, oja limbililua uunene. Uukriste otau ningua ngini Omümestari šo a zipagua komušigakano nomüzimba gue gua fumvikua meni ljomamaña.

Ihe Kalunga a hala okuundula po o malimbililo gaakriste, ošoka esiku etitatu Jesus a jumuzua. Oonkondo zegulu za monika kombanda jevi. Ekakamo enene ljevi lja kandula po emaña ndijaka lja tulua kaantu kombila, na Jesus ta jumuka. Osiigeli

jomükuanilua naakeleli ja kelela ombila, kaje nošilonga. Jesus šo a jumuka ngaaka, nena eitaalo ljaalongua lja penduka, lja huama nokuli. Ojo ja matuka no ja lombuelašana kutja Jesus a jumuka šili no ja nañukua ihe. Jesus okue ji imonišile oluindji oluindji, nena eitaalo ljauo lja kola.

Esiku ljokulonda kua Jesus aalongua inaa limbililua ue nando kašona, ihe ja šuna ku Jerusalema neñañu. Etililo lj'Ombepe Ondjapuki lja huamiša uunene aajapostoli nongundu ndjijaka ajihe. Omüliloga gua Kalunga gua monika naantu ju užišua n'Ombepe Ondjapuki. Oohapu za Jesus za guanišua, nzoka a tumbula Luk. 12: 49. „Nde ja okuzaziga omülilo kombanda jevi no nda hala nokuhalelela gua huama”

Ngaši Jesus a hempulua: nda peua epangelo alihe megulu no kombanda jevi, ošo a peua epangelo ngaši a sindi satana.

Ihe tatu mono ehangelo euinaji ljaajuda Iil. 7:— Ojo ja tameke okuzima po omüliloga gua Kalunga. Tatu lombuelua nkene omüjakuli guegongalo Stefanus okua uuviša nuulazi, šo kua li ku' uuzza Ombepe Ondjapuki. Aajuda naakuluntu oja lulumike oomueño zauo no ji ikokotele omajego, moluo oohapu za Stefanus no ja zilazila kuhanagula po egongalo nokuzima po omüliloga gua Kalunga nuulazi uaantu.

Stefanus ependa, ta galikana muuzigu ue, ta ligamene kegulu, mpoka pua zi oonkondo. No ta mono ko eaazimo lja Kalunga no ta mono Jesus Kristus mesimano lje, koluljo lua Kalunga.

Kefano ndika tatu mono omühokolola mbinzi guotango nkene a tsoongolo no ta taalele kombanda no ta mono uujelele ua Kalunga. Onke iha tila omamaña nando aatondi je je mü umbu, omeho ge geli no kutala kombanda. Luohugunina ta galikane ne aazazigi je: Omüua ino ja jalulila ondjo ndjika

(Etsikilo kepanja 4)

OMIDO 70

pua piti po paŋa ovatumua votete o vasuomi esi va fikama ku Suomi va etele ovambo evangeli. Ova fikama ko efiku eti 24 la juni omudu 1868. Ova li vahama no ndele Nakambale okua li umue uomu vo. Ja enda moskepa ndele va fiki ku Duislanda novo va kala ko efimbo lile ka nini ve lilonge moanima ajise vaali tava ke ji pumbua kOuambo. „Omukuetu” te mu siivifile komeso nŋmbi va enda ndele nŋmbi va fika.

Oseminari

JOKONIIPA

taji fikifa mu juni omido 25 osesi ja hove la okulonga efiku eti 18 la juni omudo 1913. Omusamane Lilje novakuafi vaje ve ji hovelifa. „Omukuetu” ou ta sikula te mu he paululile osivilo seuanifo omido odo 25 da seminari.

OSITUSI SETUMO

taši ningua momagongalo mu juli. Zimbulukueni oku ši ilongekizila no kombinga jomeni no kombinga jokomagano. Šigašani neni mokutungu no mokukoleka egongalo, uupenda uaa zime mo momagongalo.

OLUNGANO LEKISI KAKOONA.

Sama tu to udu etumbulu „olungano”, oto siiva, nokutja olo osinima sa totua, ha sinima sa ningua. Ekisi—olo osifitukuti si he po nande, ola totua kovakulu veni vonale, ndele olo la siivifua omaludalo aese fijo nena eli, la fa li naasi tali tongo.

Puilikina hano! Va ti: Opa li Ekisi Kakooona, la lja po ovaŋu avese mounjuni ause. Esi le va mana po, opo ne la tondauka noilongo aise, tali ingida tali ti: 'Mounjuni omu ame andike ndi li mol'

Ngondaka tu ojo ola haluka li udite enjamukulo, li he sii, apa tali di, taku ti: 'Aje, haave auke, ofje naave tu li mol'

Olje a njamukula Ekisi? Hano, opa li okamati kanini, aka ka li inaka lika ku lo, no inali ka mona nande. Ko ka fa ka tulilua po oku li luifa nokuhupifa ounjuni, u li medimo lalo.

Osiljani oso opo sa handukifua kenja mukulo laluhupe oo, no moluasi la limbililua, apa le mu fija, esi la mana po ovaŋu avese seke.

Opo ne la hovela okukonga neeŋono okanaita nalo.

Hano okamati, esi ka mona omunaŋo no nomulodi uounjuni te ka kongo. inaka mbadapala. Ko ka kufa oilongifo jako, nokutja omipepo neendjudo nomundilo no makala nde taka londo na jo komulunga mule nde taka teelee Ekisi. Esi la fike mo, opo ke liumbila momulungu ualo pamue noilongifo jako. Pefimbo tu olo Kakoona a haŋa, a diladila, nokutja paife osa pua ne, ka pe na vali ou te mu njamukula.

Nani mboli inasi pua sili. Osesi okamati kenja, esi ka ja medimo lekisi, eli le ka pona hamudilu, opo ka hovela okulo ngekida naua oilongifo jako nde take i pa ke peeŋele dajo. Hano pediko oka tula po omakala mahapu, nde taka sakala omundilo nde taka pepele nomipepo dako. Omundilo oua huama, ua ŋinga oŋalaua ja kula.

Osinima siua mbela okukala nomundilo medimo? Ke siua, ndi sii.

Hano Ekisi la hovela okuuda oluhepo meni lalo no li udite enota lidju nde tali kongo ondobe, li litalaleke, ndele omeva inali a mona okudima omundilo, ou u li mu lo. Inali mona etulumuko nande, fijo okamati ka kufa omukonda nde taka taula Ekisi nde taka kufa mo osilongo asise medimo lalo. Novaŋu avese va hangika ve nomuenjo no mokupita mo kuavo ova dimbulukua ou, e va sunifa mounjuni, va kale mo ve li naua. Ehupifo lounjuni ola holo ka melijandjo lokamati kamue akeke, aka ka dipaa osiljani sovaŋu.”

Ua uda ko ne? Olungano oso tali tongo ngaha. Ohatu li tile ngahelipi. Ndi sii, nande la totua kovakulu vonale no inali ningua sili, ovakriste fje oli naasi la hala oku tu siivifa. Tete otali tu siivifa, nokutja ope nomuli uounjuni, ngasi ondaka imue jovakulu vonale otai ti jo: „Esi tasi ku li, nasi ku efel’ Ope naasi tasi li ovaŋu avese oso oulunde, nde itapa hupu nande, nge itapa holoka ou, teva popile. Opo ne olungano otali fekele vali naua, nokutja 'Kaulunga ihe ku efa nga njoko', ta li tula po olupe lomuhupifi, onakulijandja poŋele jo vaŋu, ava va lika po kosiljani savo. Hano okamati kolungano hako take si dulu sili, sasi okatotua kovaŋu. Ndelene ovakriste fje paife ohatu pukulula ovasiivi volungano eli, ohatu ti ku vo: "Tu puilikineni hano, okamati, aka tamu fekele no tamu ka te eengano, opo ke li sili, inaka totua komuŋu. Oke iile mounjuni omu, ka dja ke ulu, esi ounjuni ua li ua lika po komu dipai uao Satana.

Satana okua li e lipanda, nokutja oje

aeke e li mo, novanu avese ve li medimo laje, sasi e va pukifa avese. No ka pa li ehupifo sili.

Opo Jesus okua tja ku je: "Haave auke u li mo, ofje naave tu li mol"

Oso sa handukifa Satana nokua kondja na je mounjuni ou, okua li a hala oku mu lja po jo. Opo ne Jesus a kufa oilongifo jaje nde ta londo komusijakano nde te li umbilesi mokanja ka Satana, no mokulijandja mefjo okua dipaa Satana, omupukifi uounjuni.

Molu elijandjo laje ovakuaunjuni atuse otua mona ehupifo.

Ovapaani, panduleni, odjulufi jovaku lu veni vonale Kalunga okue i mu uanifila. Ehupifo leni kali fi vali lolungano, olo losili, ngasi pa sangua (2. Petr. 1: 16) taku tiua;

"Moku mu udifila eeñono ne aluko lOmuene, fje inatu siku la eeñono, da totua nomafeke lo ongaho; osesi otua mona osingee saje nomeso etu vene..."

Stefanus ja Muahangesapua nOmuhongi ueni P. Schulte. Tsumeb.

Ovatumua vape

omutohtora Soini nofreilaini Rancken na Ronnkvist ova fika kOndonga oufiku eti 9 la juni. Ofreilaini Saarisalo kua fiala ku Swakopmund ndele opo te uja vaali esi pua pita oiviike oivaali. Ohatu ti ijaloo, va ninga naua esi ve uja ndele hatu va halele enangeko noupuna la Kalunga.

AAKUETU NE mu li kUusimba.

Šo u li ngeji kokule noojakueni, esiku limue pamue omueño guoje gua kuatua kondjulukue, no ua hala nando okuleša, ihe omambo kage po. Iišilinga opo ji li pamue, ihe ku na ngoka te ku landišile o mambo.

Oluhepo nduka lu ši kukuasua mbala, ošoka oposa haji endiša omambo uo. Šaa tuu to nolele kOstora jomambo kOniipa, ope naajakuli taje ku tumine omambo. Ho kolola naua embo lini po ua hala, nišee nkoka u li, kokutja ezina ljošilando nenge ljofarma ndjoka li nokuñolua kopaketi, o po ji šike ku ngoje. Mombirive joje tula mo išee iimaliva ja jeleke ofuto jembo ndjoka ue li hala. Ihe iimaliva iikukutu is

haji endišua mombirive. Ilandela nando oostampi za jeleke otuto jembo, ozo tuu tatu zi taamba ngaši iimaliva jojene. Mo ngulu joposa tamu landišua išee ombapila ja tiimaliva, ihe ji ši ku tumua mombirive.

Etestamenti Epe tali pula 1/9. ihe nge tali ku tuminua kUušimba u nokuguezela ko —/6 omolu ošendišo, kokutja omolu oostampi zi nokutulua kopaketi, kumue a no 2/3. Iimaliva mbika 2/3 nge ue ji tumine kOniipa, nena oto tuminua Etestamenti Epe.

Aahongi jokUušimba ojo taje mu ja kula uo no taje mu landišile omambo, ihe one mboka mu li kokule naahongi koo farma nenge kokae, nge mua hala omambo. noleleni ouala **KOSTORA JOMAMBO KONIIPA.** no tamu tuminua omambo, iimaliva nge ja šika uo. Ihe itatu vu lu oku ku tumina omambo manga iimaliva inaji šika kutse.

Ngele ua hala okulandela omükueni e li huka kOuambo, na šoka uo taši vulika. Nena to tu tumine ouala iimaliva taji jeleke embo ljoljene, oostampi itazi pumbiua huka. Nola naua ezina lja nguka ua hala oku mü landela embo, nišee ošilongo no mukunda mpoka e li. Saa tuu elaka ljoje lja šika kOniipa, niimaliva joje uo, ešimbo otatu li tumu ku nguka ue mü tumbula.

Ano ondando jEtestamenti Epe ojo 1/9 nostampi —/6, Eimbilo 1/6 nostampi —/3 Ontsilanzimbo —/9 ostampi —/2, Okambo kokuleša okape —/3 ostampi —/1 no šo tuu. Aluhe embo nge tali tumua moposa, ku nokuguezelua po ofuto jostampi, na ngele embo enene, oljo tali pula omapenni ogendji kašona ge vule ngaka taga guana okuendiša embo ešona

Ošo uo ošifo šika Omükuetu. Mboka jokUušimba nge tamu tumu ngašingeji ošilinga jimue kOniipa, noto nola naua ezina ljoje nošilando moka u li, oto tuminua iito ajihe okuza petameko lja Julie sigo pe hulilo ljomümvo. Ošito šošene taši pula ošispeniša moomuezi hamano, ihe ošispeniša onkuauo taji gu moostampi. Nge ua hala ošito šika, nolela ouala **OMÜKUETU, O NIIPA,** na tuma ošilinga joje, nena ošifo taši ja ku kungoje luaali momuezi kehe sigo pe hulilo ljomümvo.

Omazina gaaniipa ngele tage ku nes nge, ito pumbua oku ga tseja. Nge ua hala omambo, nolele **KOSTORA JOMAMBO,** nge ua hala Omükuetu, nolela **OMÜKUETU ONIIPA.**

OMANONGELO AGEHE GAANONA gomiilongo mbika taga tameke iilonga jago esiku eti 27 lja Juni. Omüntu kehe a hala okuja mo, na tameke petameko.

Omükuetu, šo to tala efano ndika, oto ti ngini? Eno omühokololambinzi omüjuuki šili.

Egongalo lja Kristus olja hanagulua tuu pokusa kua Stefanus Aue. Egongalo tali hepekua tuu. Iil. 8: taku lombuelua nkene Saulus uo a hokua kezipago lja Stefanus. Ihe ekapiteli eti 9 tali hokolola nkene Saulus a pja komülilo gua Kalunga. Kalunga okue mü hogolola ošijuma še.

No tatu zimbulukua nkene Paulus a ningi omüjapostoli omünene nuulazi, ina tila išeue okutumbula ošili košipala šaantu. Pokusa a ningi išeue omühokololambinzi. Ombinzi jaahokololambinzi ja koleke uunene ukriste no ja taandelisa ošilongo ša Kalunga.

Ojakuetu, pamue tamu tila uuzigu. Ihe uuzigu tau kolekele ukriste. Ngašingeji tu nokuindila uuzigu, nenge ngini, šo tatu uuvite uunkundi uunene. Aasita jomagongalo je li po no taa jemata ouala. Ihe, tandi ku pula, oto šikama tuu ngele uuzigu tau ku aaza. Pamue to jondapo.

Opena tuu omüntu ngoka ta šikama no ta lombuele oohapu zošili košipala šaapangeli no šomalenga no šaapagani uo. Oluindji ohamu tila okutumbula oohapu zošili nando tuli pamue naakriste oojakuetu. Oluindji aantu haa tila no haa aangala no haa jondapo nokuli ngele haa mono uuzigu u li popepi. Stefanus ina tila omamañagaambi. Ihe otse tatu tila ezazigo ljaantu. Nando tuli mošigongi šaakriste, ihe tatu tila ezazigo ljaakuetu no tatu muena nenge tatu vongakaniša ošili. Opo tuu mpoka tu li no tatu uuvite uunkundi uetu.

Nenge ešimbo ndijaka lja Kalunga lja heza popepi oohapu ze šo tazi kušua po no tazi falua palue.

Omüambo Filippus a ningi omühokololambinzi guotango mokati keni šo a ji handijaka jongamba. Pamue eui ljombinzi je tali tu išana uo handijaka.

S. A.

PS. 37: 10.

I I K O M B E M B E

Omuje, ngele tagu šiki pokutiligana oha kugu iikombe tango.

Iikombe ojo išike? Ojo omagongua ngoka inaga kuatašana naua nošitaji inaga nua momüti ngoka giima mo ihe ohaji zimbuluša aantu kutja etiligano lili popepi.

Ošo Egongalo limue ljomovambo enene, ihe ngašingeji aantu taa ti: otali teka po nenge (halakana) omolua šoka ja tala iikombe jaljo šo taji jagumuka ko. Iikombe ojina okujagumuka nkene jili. Ino kumua ouala ngele to mono mongerki

tamu ja jangapingapi nojendji taa hapula pondje, inaa nua omeja gomomüti guomueño, Nongele taa tameke omahindo ošo ši na okukala kuiikombe nenge kuomapu, ihe omboka ji išana keušo ljomüua ohaa tegelele uukušilongo uomegulu no taa ši ki ketiligano okutiliganena ošilongo šegulu.

P. Š.

OKUENJE.

Ositja oso omuuambo kese oku si si, kutja okuenje okuatja ngahelipi, ngasi hatu mono oimuna jokuenje ja utama ihe nešngono, noifitukuti mofuka kai nešapo, otaji kofa kofa asike momidile.

Oso tuu novañu vokuenje ve holešmofi, va tongua kave nešngo, tava ende tava ti: „Kopa, kopa, kopa, kopa.” Nomaslutu avo a laula kondui jokuenje. No tava djuulukua odula jofinge va talalelue, no ve likose naua. Natango tuu nge to tala naua ovañu pofinge, oto mono vamue va koka. Nge to mü pula osike iho likosele? To udu omanjamukulo mai ku je.

Oso sili ovakriste vahapu momüdo 1937 mu November na Dezember, va peua ondaka eji: momüdo 1938 kese ou te lilañdele „Omükuetu,” ta holoka puje livali momuedi kese. Ovo ova kala va fa ve li mokuenje no tava djuulukua nokuli omüdo 1938 u fike diva va mone „Omükuetu.” Vamue ove si si, kuje hatu pukululua, hatu tuomükumo, hatu kundana ngee eitavelo tali kondjelua koiuana, muje hatu udu esi tasi ningua koilongo noilongo. Ano, ošva li ve na ehalo sili okudja mokuenje kuomüdo 1937 nokuja kofinge jomükuetu, mom. 1938.— Vamue nande ova li mokuenje kuomüdo 1937 no va li ve nodjuulufi jofinge jomükuetu, nande oje uja, natañngo oto mono tuu okuenje esi taku pangele vahapu. Nge to ti; ua dimbulukua tuu esi tasi popiua momükuetu? Oto mono omütue tau fengua fengua no to peua enjamukulo: ngee nde mü peua inandi mü lesa.

Hano kali si ekako eli, nande odula opo i li? Kaume ove ho tambula omükueštu, tongoiokual Okuenje kua pua po likosa— lesa mo omu nasa tasi te po okuenje noutongue.

Galikana ngasi Omüpsalmi:
Omuene lundulula okukala kuetu,
Ongomilonga dodula, medu lokoušmbugañtu.”

Joga ndj'Omüua.
Jelisa ndje,
Ngaje nda hua,
Galula ndjel

Andreas Mungungu.